

Khudā aur Ham

Duniyā kī Taḥlīq



ḵhudā aur ham. duniyā kī takhlīq

God and Us. The Creation of the World

by Bakhtullah

[*Zinda Kalam 1*]

(Urdu—Roman script)

© 2026 www.chashmamedia.org

published and printed by

GWCS, New Delhi

illus. J. Padgett

<https://www.freebibleimages.org/illustrations/creation/>


Bible quotations are from UGV.

for enquiries or to request more copies:

askandanswer786@gmail.com

Fahrist

Ḳhudā Kalām kā Ḳhudā Hai	2
Ḳhudā Tartīb kā Ḳhudā Hai	3
Ḳhudā Achchhī Chīzoñ kā Ḳhudā Hai	5
Ḳhudā Barkat kā Ḳhudā Hai	8
Ḳhudā ke achchhe numāinde ho	11
Barkat kā bāis ho	13
Ḳhudā se achchhā rishtā rakho	13
Ārām se kām karo	14
Tauret, Paidāish 1:1–2:3	16



Tauret hamen̄ batātī hai ki duniyā kis tarah ban gaī.
Āie, ham is bayān par dhyān deñ. Likhā hai,

Ibtidā meñ Allāh ne āsmān aur zamīn ko
banāyā.

► *Kis ne duniyā ko banāyā?*

Ḳhudā ne duniyā ko banāyā. Duniyā Ḳhud
baḲhud na banā. Ḳhudā hī ne use banāyā.
Āge likhā hai,

Abhī tak zamīn wīrān aur Ḳhālī thī. Wuh
gahre pānī se ḍhakī huī thī jis ke ūpar

andherā hī andherā thā. Allāh kā Rūh
pānī ke ūpar maṇḍlā rahā thā.

- *Kyā pūrī duniyā ekdam wujūd meñ āī?*
Nahīn. Shurū meñ zamīn wīrān aur ḵhālī thī. Sāth sāth wuh gahre pānī se ḍhakī huī thī. Gup andherā thā.
- *Phir bhī us par kyā maṇḍlā rahā thā?*
Allāh kā Rūh us par maṇḍlā rahā thā. Ḵhudā apnī zabardast qudrat se kuchh karne ko thā. Is jagah par ham Ḵhudā ke bāre meñ chār ahm bāteñ sīkhte haiñ. Pahlī bāt,

Ḵhudā Kalām kā Ḵhudā Hai

Likhā hai,

Phir Allāh ne kahā, “Raushnī ho jāe” to raushnī paidā ho gai.

Allāh ne dekhā ki raushnī achchhī hai, aur us ne raushnī ko tārīkī se alag kar diyā. Allāh ne raushnī ko dīn kā nām diyā aur tārīkī ko rāt kā. Shām huī, phir subh. Yon pahlā dīn guzar gayā.

- *Kyā likhā hai ki Ḵhudā ne apne hathon se duniyā ko banāyā?*

Nahīn. Likhā hai ki us ne kahā, tab hī duniyā paidā huī. Us ne apne kalām se hī duniyā ko banāyā. Wuh ṭhekedār kī tarah nahīn hai jo īnṭ aur cement lekar ghar banā letā hai. Nahīn, jahān kuchh nahīn thā wahān us ne farmāyā to wuh wujūd meñ āyā. Ab ham ek aur dilchasp bāt sīkhte haiñ, yih ki

Ḳhudā Tartīb kā Ḳhudā Hai


- *Ḳhudā ne raushnī ke sāth ek aur kām kiyā. Wuh kyā?*

Us ne raushnī ko tārīkī se alag kar diyā.

- *Jo chīzoñ ko alag alag kartā hai wuh kyā kartā hai?*

Wuh chīzoñ ko tartīb detā hai. Chīzoñ ko alag alag karne se Ḳhudā ne duniyā ko tartīb dī. Wuh tartīb aur intazām kā Ḳhudā hai. Har chīz ke andar us kī tartīb, us kā ṭhappā lagā huā hai. Tab likhā hai,



Allāh ne kahā, “Pānī ke darmiyān ek aisā guñbad paidā ho jāe jis se nichlā pānī ūpar ke pānī se alag ho jāe.” Aisā hī huā. Allāh ne ek aisā guñbad banāyā jis se nichlā pānī ūpar ke pānī se alag ho



gayā. Allāh ne guñbad ko āsmān kā nām
diyā. Shām huī, phir subh. Yoñ dūsrã dīn
guzar gayā.

- *Ab alag karne kā ek aur kāam huā. Wuh kyā?*
Ḳhudā ne āsmān ko yoñ banāyā ki wahāñ bhī
pānī thā aur zamīn par bhī. Pānī kā intazām
taiyār ho gayā. Phir likhā hai,

Allāh ne kahā, “Jo pānī āsmān ke nīche
hai wuh ek jagah jamā ho jāe tāki dūsarī
taraf Ḳhushk jagah nazar āe.” Aisā hī huā.
Allāh ne Ḳhushk jagah ko zamīn kā nām





diyā aur jamāshudā pānī ko samundar kā.
Aur Allāh ne dekhā ki yih achchhā hai.

- *Ek bār phir alag karne kā kām huā. Wuh kyā?*
Pānī ek jagah jamā ho gayā. Tab dūsarī taraf
ḡhushk zamīn nazar āī.
- *Yih kyon zarūrī thā?*
Tāki ḡhushk zamīn par jīne wālon ke lie rahne kī
jagah taiyār ho jāe. Tīsarī bāt,

Ḳhudā Achchhī Chīzon kā Ḳhudā Hai

- *Ḳhudā ne apne kām ke bāre mein kyā mahsūs
kiyā?*
Yih ki wuh achchhā hai.
- *Yih bāt hamāre lie kyon aham hai?*
Jo duniyā Ḳhudā ne banāī hai wuh pūre taur se
achchhī hai. Islie ham ise enjoy kar sakte hain.



Be-shak is kā matlab yih nahīn ki ham ise ġhalat istemāl karen. Āge likhā hai,

Phir us ne kahā, “Zamīn hariyāwal paidā kare, aise paudhe jo bīj rakhte hoñ aur aise daraḡht jin ke phal apnī apnī qism ke bīj rakhte hoñ.” Aisā hī huā. Zamīn ne hariyāwal paidā kī, aise paudhe jo apnī apnī qism ke bīj rakhte aur aise daraḡht jin ke phal apnī apnī qism ke bīj rakhte the. Allāh ne dekhā ki yih achchhā hai. Shām huī, phir subh. Yoñ tīsraḡ dīn guzar gayā.

- *Jānwaroñ aur insān se pahle kyā taiyār huā?*
Hariyālī.
- *Yih kyon?*



Islie ki hariyālī zamīn ke jāndāron kī buniyād hai.
Yih chīzeñ na hoñ to ham zindā nahīñ rah sakte.
Ab ek aur zarūrī chīz paidā huī. Likhā hai,

Allāh ne kahā, “Āsmān par raushniyāñ paidā ho jāeñ tāki din aur rāt meñ imtiyāz ho aur isī tarah muḫhtalif mausamon, dinoñ aur sāloñ meñ bhī. Āsmān kī yih raushniyāñ duniyā ko raushan karen.” Aisā hī huā. Allāh ne do baṛī raushniyāñ banāīñ, sūraj jo baṛā thā din par hukūmat karne ko aur chāñd jo chhoṭā thā rāt par. In ke alāwā us ne sitāron ko bhī banāyā. Us ne unheñ

āsmān par rakhā tāki wuh duniyā ko raushan karen, dīn aur rāt par hukūmat karen aur raushnī aur tārikī mein imtiyāz paidā karen. Allāh ne dekhā ki yih achchhā hai. Shām huī, phir subh. Yon chauthā dīn guzar gayā.

► *Yih bhī alag alag karne kā kām thā. Kis tarah?*

Sūraj, chānd aur sitāron se ham dīn-rāt aur mukhtalif mausamon, dinon aur sālon mein imtiyāz kar sakte hai. Ham sab ko sūraj kī raushnī kī zarūrat hotī hai tāki ham jī sakein. Sāth sāth is intazām se mausam badalte rahte haiin aur hamen sālon ke guzarne kā ehsās hotā hai.


Kuchh log sūraj, chāndī aur sitāron ko dewatā mānte haiin. Bahut log sitāron ko parakhne se apnī qismat jān lene kī koshish karte haiin.

► *Kyā kalām ke mutābiq yih raushniyān dewatā haiin yā hamārī qismat muqarrar kar saktī haiin?*

Bilkul nahīn. Ḳhudā ne yih chīzein banāīin aur bas. Yih sab achchhī haiin magar usī ke farmān par chaltī haiin. Chauthī bāt,

Ḳhudā Barkat kā Ḳhudā Hai

Āge likhā hai,



Allāh ne kahā, “Pānī ābī jāndāron se bhar jāe aur fazā meñ parinde uṛte phireñ.” Allāh ne baṛe baṛe samundarī jānwar banāe, pānī kī tamām dīgar maḥlūqāt aur har qism ke par rakhne wāle jāndār bhī banāe. Allāh ne dekhā ki yih achchhā hai.

Us ne unheñ barkat dī aur kahā, “Phalo-phūlo aur tādād meñ baṛhte jāo. Samundar tum se bhar jāe. Isī tarah parinde zamīn par tādād meñ baṛh jāeñ.” Shām huī, phir subh. Yoñ pānchwāñ din guzar gayā.

- *Ab pānī aur hawā ke jāndār ban gae haiñ. Is ke bād Ḳhudā ne kyā kiyā?*


Us ne unheñ barkat dekar farmāyā ki phalo-phūlo, tādād meñ bar̄hte jāo.

- *Phalne-phūlne kā intazām kis ne banāyā?*
Ḳhudā hī ne yih intazām banāyā. Wuhī phalne-phūlne kī barkat detā hai. Tab likhā hai,

Allāh ne kahā, “Zamīn har qism ke jāndār paidā kare: maweshī, reñgne wāle aur janglī jānwar.” Aisā hī huā. Allāh ne har qism ke maweshī, reñgne wāle aur janglī jānwar banāe. Us ne dekhā ki yih achchhā hai.

Ek bār phir Ḳhudā ko mahsūs huā ki jo chīzeñ us ne banāīñ wuh achchhī haiñ.

- *Kyā ham meñ se koī is qism kā kām kar saktā hai?*




Nahīn. Ham ek bhī zindā chīz nahīn banā sakte. Ham sirf jīne wālī chīzōñ meñ rad-o-badal kar sakte haiñ. Yih taḥhlīq ke kām se bahut farq hai. Ġharz ham Ḳhudā ke bāre meñ 4 bāteñ sīkh chuke haiñ. Ab ham 4 bāteñ sīkheñge jo Ḳhudā ham se chāhtā hai. Pahlī bāt, yih ki

Ḳhudā ke achchhe numāinde ho

Likhā hai,

Allāh ne kahā, “Āo ab ham insān ko apnī sūrat par banāeñ, wuh ham se mushābahat rakhe. Wuh tamām jānwarōñ par hukūmat kare, samundar kī machhliyoñ par, hawā ke parindoñ par, maweshiyoñ par, janglī jānwarōñ par aur zamīn par ke tamām reñgne wāle jāndāroñ par.”

Yōñ Allāh ne insān ko apnī sūrat par banāyā, Allāh kī sūrat par. Us ne unheñ mard aur aurat banāyā. Allāh ne unheñ barkat dī aur kahā, “Phalo-phūlo aur tādād meñ baṛhte jāo. Duniyā tum se bhar jāe aur tum us par iḳhtiyār rakho. Samundar kī machhliyoñ, hawā ke parindoñ aur zamīn par ke tamām



reigne wāle jāndāron par hukūmat karo.” [...]

Allāh ne sab par nazar kī to dekhā ki wuh bahut achchhā ban gayā hai. Shām huī, phir subh. Chhaṭā dīn guzar gayā.

- *Yahān insān ke bāre meñ ek chaunkā dene wālī bāt pesh kī jātī hai. Wuh kyā?*
 Ḳhudā ne use apnī sūrat par banāyā, yon ki wuh us se mushābahat rakhe.
- *Is kā kyā matlab hai? Kyā insān Allāh ke barābar hai? Yā kyā Ḳhudā kā ham jaisā jism hai?*

Yih kabhī nahīn ho saktā. Aisā sochnā bhī munāsib nahīn hai.

- *To phir is kā kyā matlab hai?*

Do bāton meñ wuh Ḳhudā se mushābahat rakhtā hai:

- Jānwaron par hukūmat meñ.
- Duniyā par iḳhtiyār meñ.

- *Is meñ insān kis tarah Ḳhudā kī sūrat par hai?*

Ḳhudā aslī hukmrān hai, aur insān duniyā meñ us kā numāindā hai. Isliē use har chīz par iḳhtiyār hai. Dūsri bāt jo Ḳhudā ham se chāhtā hai: yih ki

Barkat kā bāis ho

- *Kyā hukūmat karne kā matlab yih hai ki insān ko duniyā ko barbād karne kī ijāzat hai?*

Nahīn. Jis tarah Ḳhudā ne har chīz achchhī banāī aur chāhtā hai ki wuh phale-phūle usī tarah insān ko bhī honā hai. Wuh achchhe charwāhe kī tarah apne supurd kī gāī chīzeñ sañbhāle. Tīsri bāt jo Ḳhudā ham se chāhtā hai: yih ki

Ḳhudā se achchhā rishtā rakho

- *Kyā paudhe aur jānwar Ḳhudā kī bāteñ samajh sakte yā us se bāt kar sakte haiñ?*



Nahīn. Isliē hamārā Ḳhudā se tālluq farq hai. Ham sochkar bāt kar sakte haiñ. Ham apne khālīq se bhī bāt kar sakte haiñ. Aur Ḳhudā yih chāhtā hai ki hamārā us se achchhā rishtā ho. Ab ham ek ākhirī bāt sīkhte haiñ. Yih ki

Ārām se kām karo

Likhā hai,

Yōñ āsmān-o-zamīn aur un kī tamām chīzoñ kī taḥlīq mukammal huī. Sātweñ din Allāh kā sārā kām takmīl ko pahuñchā. Is se fārigh hokar us ne ārām

kiyā. Allāh ne sātweñ din ko barkat dī aur use maḥsūs-o-muqaddas kiyā. Kyoñki us din us ne apne tamām taḥhliqī kām se fāriḡh hokar ārām kiyā.

- *Kyā ārām karne kā matlab hai ki Ḳhudā ne kuchh na kiyā?*

Nahīñ. Sātweñ din bhī Ḳhudā ne duniyā ko apne hāth meñ thāme rakhā. Phir bhī us ne sāth sāth ārām bhī kiyā.

- *Agar us ne kām ke sāth sāth ārām bhī kiyā to wuh ham se kyā chāhtā hai?*

Wuh chāhtā hai ki ham bhī kām karne ke sāth sāth ārām karen. Wuh jāntā hai ki ham sirf us waqt sahī kām karenge jab ham bīch meñ ārām bhī karen. Jo insān ārām se kām nahīñ kartā wuh kām karte karte ghis jātā yā bigar jātā hai. Use aise auqāt kī ashad zarūrat hai jab wuh apne ḵhāliq-o-mālik ke sāmne ārām kar sake. Ārām hamen tāzādam hone detā hai—jismānī taur par bhī aur rūhānī taur par bhī. Ġharz Ḳhudā apne bāre meñ 4 bāteñ zāhir kartā hai:

- *Ḳhudā kalām kā Ḳhudā hai.*
- *Ḳhudā tartīb kā Ḳhudā hai.*

- *Ḳhudā achchhī chīzoñ kā Ḳhudā hai.*
- *Ḳhudā barkat kā Ḳhudā hai.*

Sāth sāth wuh ham se 4 bāteñ chāhtā hai: yih ki

- *Ḳhudā ke achchhe numāinde ho.*
- *Barkat kā bāis ho.*
- *Ḳhudā se achchhā rishtā rakho.*
- *Ārām se kām karo.*

Tauret, Paidāish 1:1–2:3

Ibtidā meñ Allāh ne āsmān aur zamīn ko banāyā. Abhī tak zamīn wīrān aur ḵhālī thī. Wuh gahre pānī se ḍhakī huī thī jis ke ūpar andherā hī andherā thā. Allāh kā Rūh pānī ke ūpar mandlā rahā thā.

Phir Allāh ne kahā, “Raushnī ho jāe” to raushnī paidā ho gāī. Allāh ne dekhā ki raushnī achchhī hai, aur us ne raushnī ko tārīkī se alag kar diyā. Allāh ne raushnī ko din kā nām diyā aur tārīkī ko rāt kā. Shām huī, phir subh. Yoñ pahlā din guzar gayā.

Allāh ne kahā, “Pānī ke darmiyān ek aisā guñbad paidā ho jāe jis se nichlā pānī ūpar ke pānī se alag

ho jāe.” Aisā hī huā. Allāh ne ek aisā guṇbad
 banāyā jis se nichlā pānī ūpar ke pānī se alag ho
 gayā. Allāh ne guṇbad ko āsmān kā nām diyā.
 Shām huī, phir subh. Yoñ dūsra din guzar gayā.
 Allāh ne kahā, “Jo pānī āsmān ke nīche hai wuh
 ek jagah jamā ho jāe tāki dūsra taraf ḡhushk
 jagah nazar āe.” Aisā hī huā. Allāh ne ḡhushk
 jagah ko zamīn kā nām diyā aur jamāshudā pānī
 ko samundar kā. Aur Allāh ne dekhā ki yih
 achchhā hai. Phir us ne kahā, “Zamīn hariyāwal
 paidā kare, aise paidhe jo bīj rakhte hoñ aur aise
 daraḡht jin ke phal apnī apnī qism ke bīj rakhte
 hoñ.” Aisā hī huā. Zamīn ne hariyāwal paidā
 kī, aise paidhe jo apnī apnī qism ke bīj rakhte
 aur aise daraḡht jin ke phal apnī apnī qism ke
 bīj rakhte the. Allāh ne dekhā ki yih achchhā hai.
 Shām huī, phir subh. Yoñ tīsra din guzar gayā.
 Allāh ne kahā, “Āsmān par raushniyāñ paidā ho
 jāeñ tāki din aur rāt meñ imtiyāz ho aur isī tarah
 muḡhtalif mausamoñ, dinoñ aur sāloñ meñ bhī.
 Āsmān kī yih raushniyāñ duniyā ko raushan
 kareñ.” Aisā hī huā. Allāh ne do baḡi raushniyāñ
 banāīñ, sūraj jo baḡā thā din par hukūmat karne

ko aur chānd jo chhoṭā thā rāt par. In ke alāwā us ne sitāroṅ ko bhī banāyā. Us ne unheṅ āsmān par rakhā tāki wuh duniyā ko raushan karen, din aur rāt par hukūmat karen aur raushnī aur tārīkī meṅ imtiyāz paidā karen. Allāh ne dekhā ki yih achchhā hai. Shām huī, phir subh. Yoṅ chauthā din guzar gayā.

Allāh ne kahā, “Pānī ābī jāndāroṅ se bhar jāe aur fazā meṅ parinde uṛte phireṅ.” Allāh ne baṛe baṛe samundarī jānwar banāe, pānī kī tamām dīgar maḥlūqāt aur har qism ke par rakhne wāle jāndār bhī banāe. Allāh ne dekhā ki yih achchhā hai. Us ne unheṅ barkat dī aur kahā, “Phalo-phūlo aur tādād meṅ baṛhte jāo. Samundar tum se bhar jāe. Isī tarah parinde zamīn par tādād meṅ baṛh jāeṅ.” Shām huī, phir subh. Yoṅ pānchwān din guzar gayā. Allāh ne kahā, “Zamīn har qism ke jāndār paidā kare: maweshī, reṅgne wāle aur janglī jānwar.” Aisā hī huā. Allāh ne har qism ke maweshī, reṅgne wāle aur janglī jānwar banāe. Us ne dekhā ki yih achchhā hai.

Allāh ne kahā, “Āo ab ham insān ko apnī sūrat par banāen, wuh ham se mushābahat rakhe. Wuh tamām jānwaron par hukūmat kare, samundar kī machhliyon par, hawā ke parindon par, maweshiyon par, janglī jānwaron par aur zamīn par ke tamām reṅgne wāle jāndāron par.” Yon Allāh ne insān ko apnī sūrat par banāyā, Allāh kī sūrat par. Us ne unheñ mard aur aurat banāyā. Allāh ne unheñ barkat dī aur kahā, “Phalo-phūlo aur tādād meñ barhte jāo. Duniyā tum se bhar jāe aur tum us par iḡhtiyār rakho. Samundar kī machhliyon, hawā ke parindon aur zamīn par ke tamām reṅgne wāle jāndāron par hukūmat karo.”

Allāh ne un se mazīd kahā, “Tamām bījdār paudhe aur phaldār daraḡht tumhāre hī haiñ. Maiñ unheñ tum ko khāne ke lie detā hūñ. Is tarah maiñ tamām jānwaron ko khāne ke lie hariyālī detā hūñ. Jis meñ bhī jān hai wuh yih khā saktā hai, ḡhāh wuh zamīn par chalne-phirne wālā jānwar, hawā kā parindā yā zamīn par reṅgne wālā kyon na ho.” Aisā hī huā. Allāh ne sab par nazar kī to dekhā ki wuh bahut

achchhā ban gayā hai. Shām huī, phir subh.
Chhaṭā din guzar gayā.

Yon āsmān-o-zamīn aur un kī tamām chīzon kī
taḥlīq mukammal huī. Sātweñ din Allāh kā
sārā kām takmīl ko pahuñchā. Is se fāriḡh hokar
us ne ārām kiya. Allāh ne sātweñ din ko barkat
dī aur use maḥsūs-o-muqaddas kiya. Kyonki
us din us ne apne tamām taḥlīqī kām se fāriḡh
hokar ārām kiya.